



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XCII. Bonum est confiteri Domino, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

PSALMVS XCII.

Bonum est confiteri Domino, &c.

Eximia est virtus, grata tibi mente probari,
 Cantando & nomen tollere ad astra, Deus:
 Manè tuas laudes narrare, & fœdera sancta,
 Veridicum verbum psallere nocte tuum.
 Cum nablo, cithara, decachordo dulce canendo,
 Et quemcunq; dabunt musica plectra sonum.
 Me cantare facis, Deus, omnia facta stupenda,
 Hinc cerebro dextra cuncta creata tua.
 Magna nimis manuum sunt omnia facta tuarū,
 Sunt sensus cordis, stagna profunda maris.
 Talia non credunt fatui, sensuq; carentes:
 Nec curant eadem stulticia tumidi.
 Impiaturba viret, ceu pratum gramine letum,
 Floret & arbitrio gens scelerata suo.
 Donec in aeternum miserè perdantur ad unum,
 Vt nihil ex tanto sit strepitu reliqui.
 At tu, iuste Deus, meritò celsissimus esse
 Diceris, & talis tu sine fine manes.
 Hostes namq; tui, Deus, impietate peribunt,
 Et dispergentur, qui mala damna struunt.

*Erigit ille meum cornu, ceu in fronte gerentis
Vnum, oleoq; nouo tempora bina rigat.
Pascam oculos, cernens hostilia membra perire,
Auris ouat, turpi militis interitu.
Interea iustus, victrix ceu palma, uirebit,
Crescet, ut in Libano crescere cedrus amat.
Inserti templo Domini, domuiq; sacrate,
Atria floreant per spacia Dei.
Floreant, licet accedat cariota senecta,
Florenti è fructu gaudia multa ferent.
Mirificam Domini bonitatem lingua loquetur,
Quòd sit presidium, vindice iure, meum.*

PSALMVS XCIII.

Dominus regnauit, decorem &c.

REX summus Deus est, parensq; rerum,
Cinctus robore, veste clara amictus.
Fundauit sibi qui perenne regnum,
Cuius continet amplitudo terram,
Quò stet firma, locum Deus parauit,
Ne seculo moueatur illa quouis.
Augustam posuit sibi cathedram,
Quam saluam miseris tenet per annum.

Exur.